



问曰：若无去、无去者，应有住、住者。

答曰：

31

去者则不住， 不去者不住，

离去不去者， 何有第三住？<sup>1</sup>

若有住、有住者，应去者住，若不去者住。若离此二，应有第三住，是事不然。去者不住，去未息<sup>2</sup>故，与去相违名为住。不去者亦不住。何以故？因去法灭故有住，无去则无住。离去者、不去者，更无第三住者。若有第三住者，即在去者、不去者中。以是故，不得言去者住<sup>3</sup>。

<sup>1</sup> 一、《般若灯论释·观去来品》云：

去者则不住，未去者不住，  
异去未去者，谁为第三住？

二、《大乘中观释论·观去来品》云：

去者即不住，不去者不住，  
离去不去者，何有第三住？

<sup>2</sup> 息：拼音 xī，〈动〉停止，停息。[stop]

<sup>3</sup> 《中论·观三相品》云：

[问曰：若法无生，应有住。

答曰：

不住法不住，住法亦不住，  
住时亦不住，无生云何住？

住法亦不住。何以故？已有住故。因去故有住，若住法先有，不应更住。不住法亦不住，无住相故。住时亦不住，离住、不住更无住时，是故住时亦不住。如是一切处求住不可得故，即是无生。若无生，云何有住？]





复次，

32

去者若当住，云何有此义？

若当离于去，去者不可得。<sup>4</sup>

汝谓去者住，是事不然。何以故？离去法，去者不可得。若去者在去相，云何当有住？去住相违故。

复次，

33

去未去无住，去时亦无住，

所有行止法，皆同于去义。<sup>5</sup>

<sup>4</sup> 一、《般若灯论释·观去来品》云：

去者若当住，此义云何成？

去者去空故，去住不可得。

二、《大乘中观释论·观去来品》云：

去者若当住，云何有此义？

以离于去法，去者不可得。

<sup>5</sup> 一、《般若灯论释·观去来品》云：

去时则无住，无彼已去故，

去起作及息，其过同去说。

二、《大乘中观释论·观去来品》云：

去未去去时，止息诸分别。

所有行止法，皆同去义说。

三、《中论释·明句论》云：

去未去无回，去时亦无回，

所有行发回，皆同于去义。





若谓去者住，是人应在去时、已去、未去中住。三处皆无住，是故汝言去者有住，是则不然。如破去、住法，行、止亦如是。行者，如从谷子相续至芽、茎、叶等。止者，谷子灭故芽、茎、叶灭。相续故名行，断故名止。又如无明缘诸行乃至老死是名行，无明灭故诸行等灭是名止。

问曰：汝虽种种门破去、去者、住、住者，而眼见有去、住。

答曰：肉眼所见不可信<sup>6</sup>。若实有去、去者，为以一法成，为以二法成？二俱有过。何以故？

## 34

去法即去者， 是事则不然；

去法异去者， 是事亦不然。<sup>7</sup>

<sup>6</sup> 《中论释·观成坏品》云：  
[复次，

若谓以眼见， 而有生灭者，  
则为是痴妄， 而见有生灭。

若谓以眼见有生灭者，云何以言说破？是事不然。何以故？眼见生灭者，则是愚痴颠倒故见。诸法性空无决定如幻如梦，但凡夫先世颠倒因缘得此眼，今世忆想分别因缘故，言眼见生灭。第一义中实无生灭，是事已于〈破相品〉中广说。]

<sup>7</sup> 一、《般若灯论释·观去来品》云：

去法即去者， 如是则不然；  
去法异去者， 是义亦不然。

二、《大乘中观释论·观去来品》云：





若去法、去者一，是则不然，异亦不然。

问曰：一、异有何过？

答曰：

35 36

若谓于去法，即为是去者，

作者及作业，是事则为一。<sup>8</sup>

若谓于去法，有异于去者，

离去者有去，离去有去者。<sup>9</sup>

如是二俱有过。何以故？若去法即是去者，是则错乱破于因缘。因去有去者，因去者有去。又去名为法，去者名为人；人常，法无常。若一者，则二俱应常、二俱应无常，一中有如是等

去法即去者，是事则不然。

<sup>8</sup> 一、《般若灯论释·观去来品》云：

若谓彼去法，即是于去者，  
作者及作业，则为一体过。

二、《大乘中观释论·观去来品》云：

若谓于去法，即为是去者，  
作者及作业，即一性可立。

<sup>9</sup> 一、《般若灯论释·观去来品》云：

若谓彼去法，定异于去者。  
离去有去者，离去者有去。

二、《大乘中观释论·观去来品》云：

去法异去者，是事亦不然。





过。若异者则相违，未有去法应有去者，未有去者应有去法，不相因待，一法灭应一法在，异中有如是等过。

复次，

37

去去者是二， 若一异法成，

二门俱不成， 云何当有成？<sup>10</sup>

若去者、去法有，若以一法成，若以异法成，二俱不可得。

先已说无第三法成，若谓有成，应说因缘无去、无去者。

<sup>10</sup> 《般若灯论释·观去来品》云：

去者及去二，为一异故成。  
彼二无有成，云何当有去？

